

## Morning Dogri (NSD) National News Bulletin 26-09-2024

### आकाशवाणी

- प्रधानमंत्री नरेन्द्र मोदी होर अज्ज पुणे च बक्ख-बक्ख परियोजनाएं दा उद्घाटन करगंन ते केइएं दा नीह पत्थर रक्खगंन। ओह देसे च विकसित 3 परम रूद्र सुपर कम्प्यूटिंग राष्ट्र गी समर्पित बी करगंन।
- जम्मू कश्मीर विधानसभा चुनां दे दुए गेड च कल 57.0-3 प्रतिशत मतदान दर्ज कीता गेआ।
- विदेश मंत्री डॉ. एस.जयशंकर होरें आखेआ जे संयुक्त राष्ट्र गी अतीत दी बंदशें च रखेआ गेआ ऐ, दुनिया कन्नै एहदा विकास जरूर होना लोडचदा।
- इजराइल दे सेना प्रमुख नै सेना गी लेबनान च आशंकित हमले लेई तैआर रौहने दे निर्देश दित्ते।
- मौसम विभाग नै देशें दे केई हिस्सें च तेज बरखा दा रैड अलर्ट जारी कीता ऐ जेहदे च महाराष्ट्र, गोवा ते गुजरात शामिल न।
- भारत दे कमल चावला नै पाकिस्तान दे असजद इकबाल गी हराइये आईबीएसएफ विश्व पुरुष 6 रैड स्नूकर प्रतियोगिता जित्ती लेती ऐ।



### PM-Pune

प्रधानमंत्री नरेन्द्र मोदी होर महाराष्ट्र च पुणे दा दौरा लांगन। उत्थें ओह 22 जहार 6 सौ करोड़ रपे शा बद्ध कीमत आली केई परियोजनाएं दा उद्घाटन करगंन ते केइएं दा नीह पत्थर रक्खगंन। प्रधानमंत्री होर जिला अदालत थमां स्वारगेट तगर चलने आली मेट्रो रेल गी झंडी दस्सियै रवाना करगंन। सुपर कम्प्यूटिंग तकनीक दे क्षेत्र च भारत गी आत्म निर्भर बनाने दी अपनी प्रतिबद्धता गी फही पक्का करदे होई प्रधानमंत्री नरेन्द्र मोदी होर राष्ट्रीय सुपर कम्प्यूटिंग मिशन तैहत देशें च विकसित तकरीबन 130 करोड़ रपे दी कीमते आले 3 परम रूद्र सुपर कम्प्यूटर राष्ट्र गी समर्पित करगंन। वैज्ञानिक अनुसंधान गी सुविधाजनक बनाने लेई एह सुपर कम्प्यूटर पुणे, दिल्ली ते कोलकाता च लाए गे न। एहदे इलावा प्रधानमंत्री होर मौसम ते जलवायु अनुसंधान लेई तैआर इक उच्च प्रदर्शन कम्प्यूटिंग प्रणाली दा उद्घाटन बी करगंन। 850 करोड़ रपे दी एह परियोजना मौसम सरबन्धी अनुप्रयोगें लेई भारत दी इस क्षेत्र च समर्थ बधाने लेई इक महत्वपूर्ण गैह ऐ।



### President

राष्ट्रपति द्रौपदी मुर्मू होर अज्ज लद्दाख च सियाचिन स्थित बेस कैप दा दौरा करगंन। इस दरान राष्ट्रपति होर उत्थें तैनात सैनिकें कन्नै गल्लबात बी करगंन। आकाशवाणी संवाददाता नै जानकारी दित्ती ऐ जे एह दौरा राष्ट्रपति मुर्मू हुंदा सियाचिन लेई पैहला दौरा ऐ ते लद्दाख च उंदी दूई यात्रा ऐ। की जे अक्टूबर 2023 च उंदी योजनाबद्ध यात्रा खराब मौसम कारण रद्द करी दित्ती गेई ही। राष्ट्रपति हुंदे लद्दाख पुज्जने पर उपराज्यपाल डॉ. बी.डी.मिश्रा, मुख् कारजकारी पार्शद लद्दाख ताशी, सांसद हनीफा जान, फौज दे ते होरने अफसर उंदा सुआगत करगंन। काराकोरम रेंज च स्थित सियाचिन ग्लेशियर दुनिया दा सारे शा उच्चा फौजी कब्जे आला इलाको ऐ, जेहदे चलदे भारतीय फौज नै अप्रैल 1984 च आपरेशन “मेघदूत” तैहत इस इलाके पर नियंत्रण स्थापत कीता हा।



## EC-J&K

जम्मू कश्मीर च कल विधानसभा दे दुए गेड दे चुनाएं च 57.0-3 प्रतिशत मतदान दर्ज कीता गेआ। चुनां आयोग नै आखेआ जे कल 6एं जिले च फैले दे 26 विधानसभा हलकें लेई मतदान कीता गेआ जेहड़ा शांतिपूर्ण तरीके कन्नै सम्पन्न होआ। दुए गेड च जेहड़े 6 जिलें च मतदान होआ ऐ ओ न बडगाम, गांदरबल, पुंछ, राजौरी, रियासी ते श्रीनगर। चुनां आयोग दे आंकड़े मूजब श्री माता वैष्णो देवी सीट पर 80.7-4 प्रतिशत कन्नै सब्बने शा मता मतदान दर्ज कीता गेआ। एहदे बाद सुरनकोट च 74.9-5 प्रतिशत ते पुंछ हवेली च 74.6-6 प्रतिशत मतदान दर्ज कीता गेआ ऐ। जिलें च रियासी 74.4-0 प्रतिशत मतदान कन्नै शीर्ष पर रेहा, जिसलै के पुंछ जिला 73.8-0 कन्नै नेड़मी दूई थाहर पर रेहा। मुख् चुनां आयुक्त राजीव कुमार होरें आखेआ जे जम्मू कश्मीर च चुनां इतिहास बना'रदे न की जे मतदाताएं हिंसा ते बहिष्कार गी छोड़ियै लोकतांत्रिक प्रक्रिया गी अपनाया ऐ। उनें इस गल्लै पर जोर भरेआ जे पारदर्शिता जकीनी बनाने लेई सब्बने मतदान केन्द्रें च वैबकास्टिंग सनें सुरक्षा सरबंधी सख्त उपाए कीते जा'रदे न। उनें मतदाताएं दी सराहना करदे होई आखेआ जे दुए गेड च मतदान प्रतिशत लोकतंत्र लेई इक बड्डी मिसाल ऐ। तोआई त्रीए ते खीरले गेड च 40एं सीटें लेई मतदान पैहली अक्टूबर गी होग, जिसलै के वोटें दी गिनतरी आला कम्म 8 अक्टूबर गी कीता जाग।



## Jai Sahnakar

भारत नै अंतर्राष्ट्रीय निर्णय प्रक्रिया, चेचा करी संयुक्त राष्ट्र सुरक्षा परिषद दे ढांचे च फौरी तौर पर सुधारें दी जरूरता उप्पर जोर दित्ता ऐ। कल न्यूयार्क च विदेश मंत्री डॉ. एस.जयशंकर होरें जी-20 मुखें दे विदेश मंत्रिं कन्नै गल्लबात दरान गलाया जे संयुक्त राष्ट्र गी अतीत च बंदिशें च रखेआ गेआ ऐ ते विश्व दे कन्नै एहदा विकास होना लोड़चदा ऐ। उनें गलाया जे संयुक्त राष्ट्र परिषद अंतर्राष्ट्रीय शांति ते स्थिरता बनाई रखने दा अपना लक्ष्य पूरा करने च विफल रेई ऐ। एहदे कन्नै विश्व संस्था दी प्रभावकारिता ते विश्वास नीयता च कमी आई ऐ। उनें गलाया ते ग्लोबल साउथ दी आवाज गी लोड़चदा महत्व मिलना अत्त लाजमी ऐ।



## Israel

इजराइल ते हिजबुल्ला बश्कार मतभेद च बढ़ोतरी गी दिकखदे होई इजराइल दे सेना प्रमुख नै लेबनान च आशंकित हमले लेई सेना गी तैआर रौहने दे निर्देश दित्ते न। एह निर्देश उसलै दित्ता गेआ जिसलै इजराइल दे लडाकू जहाजें बन्ने पारा हिजबुल्ला दे ठकाने पर बम्बबारी बधाई दित्ती ऐ। ब'रे 2006 दे बाद एह सब्बने शा घातक हवाई हमला ऐ। लेबनान दे विदेश मंत्री अब्दुल्ला बोच हबीब हुंदे मताबक इस युद्ध दे कारण लेबनान च तकरीबन 5 लख लोक पैहले गै विस्थापत होई चुके दे न। लेबनान दे वित मंत्री अमीन सलाम होरें तत्काल राजनीतिक समाधान दे होई सकने आले नुक्साने प्रति आग्रह कीता ऐ। इजराइल दा आक्खना ऐ जे बहाई जहाजें साउथ लेबनान ते बेका घाटी पर हमला कीता। इजराइल दे प्रधानमंत्री बेंजामेन नेतनयाहु होरें इक संदेश च आखेआ जे हिजबुल्ला गी जवाबी कारवाई दा सामना करना पवा'रदा ऐ। नेतनयाहु होरें ज्हारा बद्धे इजराइलें गी उत्तरी सीमा क्षेत्र च स्थित उंदी घर वापसी च सुविधा पजाने लेई अपनी वचनबद्धता गी फही पक्का कीता। इस स्थिति पर बड्डे वैश्विक नेताएं बी अपनी प्रतिक्रिया दित्ती ऐ। अमरीका दे विदेश मंत्री एंटनी ब्लिंकन



## Srilanka

श्रीलंका दे नमें चुनोए दे राष्ट्रपति अनुश कुमारा दिसानायके होरें आखेआ ऐ जे उंदी सरकार मुख् च अर्थबवस्था दी स्थिरता आस्तै अंतर्राष्ट्रीय मुद्र कोष कन्नै फौरी तौर पर गल्लबात शुरू करोग ते दोहार अदायगी च राहत दे जतन करोग। राष्ट्र दे नां अपने पैहले संबोधन च आर्थिक सुधार आस्तै गेह पुट्टने ते राष्ट्रीय एकता दी जरूरत पर जोर दित्ता गेआ।

अर्थबवस्था दी स्थिरता आस्तै फौरी तौर पर गैह् पुट्टने दा वायदा करदे होई उनें श्रीलंका दे लोकें ते अंतर्राष्ट्रीय सैह्योगिएं दे समर्थन हासल करने दा भरोसा जताया।



## IMD

मौसम विभाग नै महाराष्ट्र, गोवा, कोंकण, गुजरात, सिक्किम ते उप हिमालयी पच्छम बंगाल दे किश हिस्से च तेज बरखा दा रैड अलर्ट जारी कीता गेआ ऐ। विभाग नै सौराष्ट्र, कच्छ ते अरुणाचल प्रदेश ते पूर्वी उत्तर प्रदेश च कल संजा तगर बड़ी तेज बरखा होने दी शंका जाहर कीती ऐ। इस दरान उत्तराखंड, गुजरात, पच्छमी मध्यप्रदेश ते पूर्वी मध्यप्रदेश च कल तगर तेज बरखा दी स्थिति बनी दी रौहग। अगले 2 दिनें दरान नागालैंड, मणिपुर, मिजोरम, त्रिपुरा, झारखंड, ओडिशा, पच्छम बंगाल दे गांगेय क्षेत्र ते बिहार च बी ऐसी गै स्थिति रौहग।



## Snooker

भारत दे कमल चावला नै मंगोलियर दे उलानवटार च खेड्डी जा'रदी आईबीएसएफ विश्व 6 रैड स्नूकर प्रतियोगिता गी जित्ती लैता ऐ। चावला होरें फाइनल च पाकिस्तान दे असजद इकबाल गी 6-2 कन्नै हराइयै अपना पैहला आईबीएसएफ खताब जित्तेआ। भारत आस्तै मलकीत सिंह, विद्या पिल्लई ते कीर्तन पांडियन नै त्रै कॅह दे तगमे जित्ते। चावला ब'रे 2017 च इस प्रतियोगिता च उपविजेता रेह हे।

